

午
風
堂
集

午風堂集卷四

無錫鄒炳泰曉

續集卷四

新城旅館

春陰不作雨昨夜又西風
花落鳥聲寂山寒人影空
空客書頻自檢鄉夢幾時通
莫惜流光駛當階藥已紅

漢馮夫人嫖和戎歌

玉關已度春風綠錦車直過蔥河曲
詩人不識馮夫人千載和戎語
誰續幼隨楚主書史工嘗承漢節
行部雄願得小號懾外服
昆彌萬里驚塵空漢

家使者幾持節女子旋收衛霍烈雁沙春障貂扇
風玉帳朝寒角弓月遠駕歸來拜國門不教青草
怨和蕃破羌將士全軍入五道徵師未許論

宿德州

墟落聽齊語州人說使軺雄風來上郡清月過浮
橋遠靄方山送春帆衛水遙讀書臺尚在烟樹隔
重譙

周燦仿趙承旨鵲華秋色圖

一峯上剡何年植天半華榭露初拭雒山近附半
烏頭相向晴空作秋色濟南名山此當戶松雪雲

囊急收入右丞北苑筆底兼神物由來供

秘笈周生見畫不見山淡著青黃靳墨汁磨石華
泉暮雪封翠屏灤口朝烟戢我時過此不得上自
笑郵車太急急單樹秀澤語益信妙盡山容盡難
及我無仙骨換元丹扁鵲遺經枉傳韻歸向橋邊
四照樓垂楊時放山光集還思重訪曾晁跡歷山
堂畔北渚隰甘受齊人說好事一證詩人舊結習

題王荆公集後

經言國事盡從新坐使羣邪紹述頻六典自援經
世意三朝終見黨碑人空嗟蘇老推先識未必秦

王是後身讀罷白門懷古什興亡易轍不須嗔

春日遣懷

清琴一再鼓竹月意初停高館送朔雁新塘漾楚
萍不風書自靜有酒竹生青約畧聽童語溪橋見

客經

四照樓眺明湖有作

使衙湖上住曾未到明湖

明湖隔使院一垣
余經年未一至

幾上

樓頭望春深烟樹孤此亭名海右吾意自林隅魚
鳥應予詫經年一句無

七十二泉名泉隨踏處生明流下春渚寒葦到遙

城夜火漁梁隱清歌月舫迎何時尋舊約相與水
西行

趵突泉

一夜殷晴雷聲從波底迴飛濤歸沼盡急雪上樓
來流伏中心激泉甘北地推濯纓橋外佳到此絕
塵埃

方山靈巖寺

丹崖萬仞鬱蒼蒼逕轉招提入渺茫巖洞雲深沉
曉樹梵鐘天半落秋霜樊公摩頂餘松在朗老盤
溪有谷藏香水酌餘除浩劫尚傳題字說隋唐

登岱

蒼崖迴合磴千重直上天門紫氣濃絕頂無雲生
下界深宵迎日自中峯玉苔陰潤懸淙澗仙佩朝
鳴偃岫松經峪幔亭頽落盡不須高唱溯登封
諸天何術問靈丹忽已平臨十八盤簡護風雷塵
外秘練明吳會客中看真壇夜直星光近石壁秋
連海色寒杖策不期身到此祇聞林際奏鳳鸞

曉過東阿

月落林色昏朝雲忽明晦行軺逐塵去徐出孤村
內宿醒初覺醒坐望春山對何處穀城山不見青

如黛行行草露溼隱約梵聲在陳王墓道古近出
魚山背殘碑紀開皇古錄並失載欲往又復止去
後徒餘悔山村杜梨好處處動春態我來過清明
官橋暗生懟烟驛辨前路一訊東昌倅

聊城感興

西風古驛曙烟開駐馬高城一放懷吳隱無家空
拜墓魯連歸海尚餘臺相看擊鼓沿諄俗自有雄
文引上才賓從不須尋舊事檻前清月共深杯
廿年曾此住行舟持節重來感昔遊風入衛流連
過艦秋清嶽色一登樓幾程南國遺書滯三絕西

堂舊榻留晚角聲寒吹不住座中猶自說鄉愁

渡汶水

停車雨初止問渡雪復作相呼淺水邊飛雪不盈
筓汶水我初浮寒冰試猶薄依山尚有田踰水真
無貉人傳魯北地俗尚殊朴約天寒雞栖埭村近
牛鳴犢父老相與言延客新筓酌

魯靈光殿瓦硯歌

凌晨騎馬來城東山樵霏雨初舒紅出郭欲訪魯
城蹟沙礫覆地連榛叢行行且止藉草坐人言此
是恭王宮當日歸然者在靈光亦逐朝烟空未

央建章一同慨使我弔古心忡忡顏生斂手忽告
我此地往往鋤磚筒百不一全野人棄篋留片瓦
逾青銅我聞躍起急旋馬欲將古物誇雙瞳晡時
驟雨過城北短衣濕盡垂楊風上堂揖客衣弗解
徑啓繡籠驚奚童僖基遺製剩一角古光恐化雕
梁虹中含黃理土膏蝕盞花疑篆猶豐隆古香著
手不可試恍如爨後聽焦桐不信歐陽譜硯語古
瓦腐敗難磨礪鄴南桃油徇名取猶侈銅雀欺愚
矇汲桑焚蕩久銷絕香姜冰井徒云工林侗甘泉
傲竹垞西京舊埴已罕逢我珍半硯睨秦客物弗

適用衆所託欲作銘辭踵延壽虛堂屏息慚雕蟲
沂水道中

重過根牟地秋原晚憩時山臨大弁遠關望穆陵
遲落葉送流水淡烟生斷籬社人欣歲熟相說賽
神宜

濟陽道中

野雀斑斑野樹低秋原黍菽刈初齊夕陽多在溪
南塢瘦馬羶衣過曲堤

茲地聞韶父老爭臺荒猶自鬱崢嶸飯餘欲訪涪
翁蹟日暮西風不放行

王士元綠珠墮樓圖

齊奴任俠輕一顧金谷河陽入烟霧後房百數盡
華容綠珠舞罷春雲住朱樓歌管宵未終笛聲吹
徹高城東涼臺十丈使不絕錦帳百步遮難窮介
士在門事莫已為奴獲罪報君子翩然風起驚落
梅十斛明珠買一死諂賈由來拜望塵多財競侈
古亡身家兒醜詆看羊后不見樓頭效節人

過鉅野

匹馬衝橫潦秋原未有程北風行大野落月下遙
城禾黍疲氓念村墟舊隴平卹災司牧在能勿與

關情

得李子別眉州詩因寄

聞子春遊不計旬，平羌水色住閒身。
難逢息嶺仙臺叟，尚有環湖舊館賓。
紅荔筵前將進酒，青羊橋外乍離人。
南來不少新詩寄，竹杖相扶又送春。

送人之石阡

聞入侯山境，春深雨氣涼。
花開銀杏滿，藥試土苓香。
峒被成蠻女，叢祠問竹王。
謫仙曾過此，莫怨滯他鄉。

得王孝廉施南信却寄

驅車衛城北關入五峯斜客至初聞麝春深不見
花新波涉瓜蔓細草長龍牙久作荆南侶知交半
是家

寄侯東望

破帽青鞵踏曉霜日高猶未見春糧捕蝦隊裏人
常往賣卜簾前茗正香山館梨花過上巳野航菊
色載重陽別余絕少新詩寄閣外來青意更長

自夏莊曉發望雲門山同吳岱芝

墟烟散初日遙見大雲頂倏生尋山興君至匹馬
並昇卒不掉頭告我潦途濘行行近山北忽矚鏡

光炯雲門方洞開中虛貫東溟仙雲尚留宿曉夢
寒欲醒陰崖自歛欲片片隨風迴相去幾千尺冷
風凜至脛聞有石井甘未酌詎云洞虛亭自聳翠
山容益孤挺茲州東道戶廣固雄莫等西南騁羣
峯欲住意不肯望山不登山弗飲空醕酌宿懷疇
與償句聯讓石鼎

夢愚堂小飲同吳岱芝吳香竺邵毓峯嚴銘

藍諸子

夢愚堂說愚山老老輩風流是我師豈特詩篇動
餘子尚傳心跡記前期長廊古佛明燈夜高館秋

槐聽雨時對酒與君論舊事雲門山色寄相思

夢游勞山歌

人生何幸到東海海仙不與仙山遊大勞小勞最
奇絕世緣未斷仙難求我行濰水去咫尺使命逼
促馳行郵山村日暮息倦馬扃戶跼踖鷹纏鞵忽
然海山大解事夜深叩我尋浮邱青藤擲杖令我
跨寒生衣袂聲颼颼仙霞飄飄墮天半彷彿身已
踰華樓三標寶珠隱復現翠屏碧落相遮留上清
真人一招手橋邊列坐王喬流御風泠泠不知處
獅峯直上松風秋松聲倒捲海濤上銀山夜湧兼

天浮逢萌遠游不知返石室險仄衣難摳迴頭一
顧盡積雪雪中點點殷紅稠耐冬花發冬正盛欲
採恐致青童尤翻身驚起知是夢追尋舊迹空神
洲當日秦橋石已斷萬夫力役石亦愁八神之祠
遍海上藥求不死窮巖搜勞勞齊語名以此何必
窘絕遙相投我無仙骨豈生羨嗇縮甘受山神羞
東來醉卧蓬萊閣青天放眼看之果

濰縣道中

海客來時列市多板橋南去聽夷歌晚來移向秋
林坐可有蟬聲出遠坡

萊州使院得小石名以小萊峯和岱山芝韻

恆石連山不礙耘
幪屏曾笑土人云
袖中東海吾何有
小摘膠西半嶺雲

家無擔貯可供耘
得買家山未可云
管社莊前容小住
讓他孤岫亦穿雲

蓬萊閣觀海

丹崖傑閣鬱嵒堯
放眼高秋積霧消
滄海一泓真可泛
神山終古不堪招
估帆風定春通舶
列島天清午送潮
闌外朝霞飛不盡
仙遊重見赤城標

歌成玉局紀佳遊
我已無緣海市收
山檻風烟長

入夜滄洲城郭不知秋
鰻魚萊上新充饌竹杖沙
門待訪幽吳越東南通
一髮十年鄉思祇生愁

歸次樂昌

營陵尋古道匹馬問程長
山嶺爭孤竹

地有孤山相傳伯夷

避紂河流斷白狼到村崖
欲盡出谷月初涼
小吏將迎罷宵深未解裝

過鄒平澗山鋪

秋波淡淡葦蕭蕭不是鄉
江景亦饒走馬西坡容
小駐記程初過段家橋

宿山西去數峯黃古店
行人解晚裝我亦九龍山

下住問名忘說是他鄉

宿山圓峯孤立
九龍山繞其西

商河道中作

西風吹古道歧路僕夫諳
河鑿功還在年登俗亦
堪晴沙看馬頰秋雨合
龍潭過此來無棗村歌入
夜酣

查育山桐影納涼圖

小艇訪幽客溪深路轉違
窓虛落梧影人卧款荆
扉拾橡依巖石聽魚上釣磯
知君高致足不必引
桐揮

奇士巖棲少如君樂與遊
停雲時作客涼葉不生

秋老屋惟求適孤舟得自由古歡吾續錄相對思
悠悠

毘盧閣對雪

寺門深閉繞闌斜小閣分煎北苑茶昨夜雪晴春
有意臘前初試海紅花

李未菴梅窩圖卷

亦園老友相違久別後心情滯素書千樹梅花玉
峯側故園風味得誰如

家有藏書足討論輸他名子又賢孫雪香茶熟詩
先就何似坡公嶺上村

儼居劉氏東園有作

門前流水住地僻與吾宜
野客初尋處長廊小憩
時峭峯依曲榭老樹入平池
結構由來古竒花剩
幾枝

山人號錦樹墅易幾人家
松古來沙鶴溪迴卧石
槎小山招好月虛閣駐
仙霞壁上尋題字休嫌老
眼花

小坐寄梧閣秋懷極望開
潮聲到關盡帆影上城
來夕渚漁罾下鄰菴梵鼓
催短筇吾不拄過澗拂
莓苔

石隙無多字，人居與石分。庭閒時落葉，徑仄亦穿雲。
餉客朝餘果，攤書夜熟芸。荆扉時一叩，諸子為論文。

郭尚青畫孔東塘彈琵琶圖

吹殘羌笛落梅花，天曾記都官按曲年。攜得琵琶江上住，玉熙宮裏小吟蟬。

東塘於慈仁寺得明內府大海潮小吟蟬兩琵琶作

歌記之

季堪弟浙西初歸

昨夜吳船泊岸遲，芙蓉已放兩三枝。秋眠東閣無風雨，細誦庚年甬上詩。

同侯東望宿燦山明陽觀

清溪十里一舟過直上峯腰訪碧蘿巖色依人生
氣在松花行地古香多尚餘藥白看仙跡小酌雲
泉起老痾與子平橋高處望晚湖風定列青螺

莊中允亭叔書至却寄

廿年宦跡鬢成華座上新詩那足誇佳竹依人真
故友亂書圍我是生涯乞將甌米常虛帖僦就鄰
園未有家兒女燈前半殘病尚勞書問勸餐加

郊行

十日炎蒸住水涯連朝小雨踏輕莎明陽觀裏秋

如許獨自沿堤看野花

幽居

閉門三日欲何之
幾度西牕晷影遲
歸燕有心人不覺
枉教小語坐移時

題馮實菴竹齋圖卷

鄉國五年別相看
鬢未疎人歸茶雨後
門掩竹風初
古物新圖在
離情舊句如
重携濟陰刻
一訊子雲居

與子住鄰巷披衣任往還
清詩來上塞老屋見秋
山野鶴時窺客溪流直到關
接離慵不著吾意亦

同閒

贈吳半昉

一春不見春花好春事春情兩寂然幸有南歸吳
季子竹牀椽簟伴枯禪

周昉楊妃駕雪衣鸚鵡亂雙陸局圖歌

春簾半捲呼雪衣鸚鵡亂雙陸局圖歌
博戲人妖非物中葳機華清宮中春烟霏金錢浴
兒兒更肥晝長無事雙陸飛轉敗不費徒手揮君
王歡樂阿蠻笑常贏慧質心莫違局終不信跳梁
速舌長誰識傾城非八姨並坐喚解事特恐鷲擊

成悲歎分鈿夜語秘難學隨輦經聲孰久依秋深
南內傷心歸駕央瓦上白露稀不上瑤軒尋舊影
蜀山聽盡子規啼

初夏書懷

空庭老樹綠陰蕃有客來過自閉門終日垂簾相
對坐新茶煎罷說鄉園

午風堂集卷四

午風堂集卷五

無錫鄒炳泰曉屏著

訪顧子村居

小雨過溪上秋齋晚最宜相逢寒露節未誦故人
詩樹密藏鳩婦洲寒宿雁兒卜鄰吾有意清味野
翁知

石塘山居有憶

入松尋曲隍僧舍一林遙東嶺猶藏雪春湖已送
潮生涯從水畜餘事在山樵十載思歸計新茶此
地饒

喜王笠人過訪

小住津門去歸程此暫停髮驚春後白眼向客中
青小閣蔭丹若涼宵聞素馨枯禪知我似盡日掩
重局

與徐朗齋夜話

朝來收小雨遣悶欲何之客至聞鄉語茶香出越
瓷幾人留關下餘子盡江湄似我多歸思松泉證
後期

魁山行

涇水南錢烈氏夫舉孝廉病羸死妾年二十三君

年二十五柱折琴摧死何補母兮晨來悲我勿粥
小姑時來見我勿哭繼而子夫有後釵鈿兮之我
何有地下歡然見君子相違方逾一旬耳城頭統
統鼓聲齊屋梁月落烏不啼

貞烈錢氏吳君承紱
配也夫死投繯殉焉

合葬繼山之左嶺

周東屏前輩移居書懷索和次韻

傲屋何心擇勝區綠陰門巷到來紆書籤四壁深
圍座花事長年不計租亭午煮茶知客訪清宵得
句償詩逋臘前應有寒梅放車騎重煩雪後厨

新詩成什足書懷喜得青渠不礙街露白園林分

野竹花黃時節問秋槐初鐘愛聽知鄰寺小篆新
題別構齋愧我年來空卜築南樓誰共夕陽佳

寄武功孫處士

太白一峯上迴看萬仞餘人逢六月雪葉淨五池

魚

山有五池有鳥紅色大如雀又名鴛鴦鳥
池有濟穢則銜去之紅魚有長丈餘者鐵瓦

山神陟雲編洞府儲武功山下住幾得構仙居

得松雲書却寄

陌塵初上數蹄鞍笑我孤岑却耐官花月真從禪
裏過圖書只作客中看南音滯訊春前驛北垞歸
忘午後餐自詫年來身未定此居不易去還難

嚴青梧畫明妃小幀

玉看新恨感痕齊，彈却琵琶首自低。
一幅生綃漢宮意，春風原不度關西。

詠白芍藥四首

昨夜春歸又未歸，任他春雨褪紅飛。
幾圍簇縷嫌金璫，何處芳塵化素衣。
落月有人催曉騎，留香無主怨斜扉。
豐臺原是仙臺路，綠杖輕扶萬玉妃。

膽瓶數朶插來斜，別樣清神透淺紗。
延閣幾時留玉帶，揚州何地不瓊花。
獨憐取次狂香送

王觀芍藥譜取

次粧花色絕淡未必將離別路賒，秋至家家分種急。
買田

曾未稅春葩

劉郎譜後王郎續品到梅粧色味新朝雨一畦初
上市遊人四月更思春覆盂高會留東武點纈名
香問玉真移近紙窗風冉冉與君相對益精神
讓山曾與寫清姿風味原來淡若茲玉帳倚餘空
有影顏姑行到亦來遲丰容約約春常在香味茸
茸客未知不數米家園一畝擔頭十日趁花時

題吳半舫小影

春明門外記歸鞍柳色迢迢別意難自聽菱歌湖
上住幾番飛絮不知寒

春流書舫曾相約野興如君得自由
小隊紅蓮猶未落看花直過蓼花秋

鄒縣出郭曉行

三年住東國未向嶧山行
出郭見陰嶺秋容馬首生
林巒餘嶽色沙磧上河聲
已遂看山興霜花著意迎

滕縣過昭陽湖

終日並湖去人行烟水間
語分滕嶧細巒入柵楓
斑雲斷郭君墓秋深微子山
停車問前路日暮犢初還

渡河次徐州望黃樓作

我昔一夢來黃樓涼蟾欲落為我留座中不見羽
服客夜山無色聲颼颼有客告我君莫尤黃茅岡
下來尋幽摩娑石刻長公蹟欲讀未竟風生秋驚
起龍山隱巖鶴夜半亂捲寒雲浮追思此事十餘
載空哦遺句增煩憂我來欲上踐前約輶車宵半
咄未休迴望城隅慘不樂身無仙骨誰與儔對牀
風雨我何有豈獨賦手真難述小山北望還戲馬
心期後會何年酬

次合肥

朝行度肥水懷古亦悠哉已過桃溪渡猶尋明遠
臺陂餘寒葦意城挾好峯來淮右茲都會離筵向
驛開

晚次梅心驛

日午過南溪言尋伯時墓道上無行人惆悵空山
路南望衆山好接鬣自迴互龍眠與鹿起倏忽各
奔注松杉白凝遠丹楓隱復露溪聲多在樹屈曲
意所赴三旬觸風埃到此忽如寤望遠境屢移歷
近窈難泝夕雨忽又至楓香在深霧竹房聊小憩
前途莫迴顧

黃梅道中

東禪行過日初醺風裏曇香暮靄分路引喬松餘
勝地山留破額契真聞石田過雨還成澗竹閣依
巖別貯雲欲問再來誰得法嵐容如舊意何云

大風渡九江望庾樓作

使程初喜駐江干路入雄疆倚檻看十月濤聲溢
浦合大江風色庾樓寒賓僚後約空舒嘯小郭新
圖記勝觀明日匡廬真在望雨檐蕭瑟夜將闌

雨中過東林寺

入山先問東林寺未到諸天劫已空行過虎溪還

激雨相尋蓮社亦聞風長齋古佛留東晉列座高
賢與遠公三笑堂前來小憩谷雲澗水意何窮

宿圓通寺

峯峯過雨暮雲涼到面匡廬不可望欲訪上人來
石耳寺在石耳峯下去尋遺墓近柴桑山中幽興經秋足

客裏新愁入夜長莫問蘇公遺跡在昔賢留處摠
難忘

陰雨望廬山不見

見山不遊信癡絕有山不見還生愁我生何幸到
廬山苦雨十日無時休屢顧僕夫問何處僕夫告

我山即是四山疊疊列山足白雲滂出飛不止虎
溪小憩佇雲掃却背峯頭拜五老山雲濕盡燼峯
烟倒瀉簾泉雨未了我聞匡廬九疊高萬尋今來
乃是山之陰山行三日不一見意者真面尤難親
天台雁宕託夢想自笑塵緣未一往此行咫尺不
得前虛我仙人赤藤杖翻憶登山多滯雨謝公攜
屐誰相許走馬看山本適然山神掉首不復語

烏石門

山勢不嫌峻溪流與石分巖虛低跨閣磴壓半通
瀆過嶺時招鶴開窻欲放雲偶來成小憩齋鼓隔

林間

建昌道中

脩水朝來繫短篷
雲居山色隱丹楓
亭邊野渡無人喚
時有雞聲竹影中

初至南昌飲綠亭小坐

飲綠亭前客到遲
秋來曾未賦新詩
芭蕉送雨晚初歇
小聽風鈴月上時

瑞州試院東軒

人到東軒憶次公
讀公遺記笑還同
常疲筋力虛

清暑不見松筠受晚風

潁濱元豐中監筠中鹽酒務構東軒記云畫則坐市

區幕歸筋力已疲就寢終不能安
於所謂東軒者未嘗不亞然自笑
十日坡仙思別

語一春陽水滯歸蓬鳳山更有名賢迹碧落堂寒
暮雨中

抵蕭灘驛

碧嶂連江樹幾灣灘頭春水夜潺湲驛前小住過
亭午雲裏先看閣阜山

出袁州城西望洪陽洞

不上宜春臺來望洪陽洞洞遠絕官道欲往殊恹
惚迢迢古城西茲地離垢冗石室自深窈真仙跡
相踵玉澗漱甘冽山花絢葦茸仰山南屹立袁山

東秀聳飛雲每相送鎮日洞門擁盍來此息機坐
聽春泉湧年來筋力困目霧足已腫好山不一遊
仙禽在藩籠我身雖未往我心已飛蹤何如石水
洞相依在巖壠

清江道中

薄暮見山影雨聲收半江新灘歌水碓斜日下蓬
窓說劍神猶壯敲棋夜未降行程何太急不是舊
吳艫

峽江雨泊

峽江江水意匆匆苦雨連朝幾夕風日暮水村無

泊處舟行多在野花叢

文信國祠

我從袁江浮舟來山崎灘險行人危將臨吉水勢
平遠山山秀色天容開山川人物本相似曠世名
賢鍾於此信國祠前野草芳水沒墻根斷行路心
香一瓣欲下拜北風不為扁舟住我昔西清校理
時燕山寄外見遺書為臣死忠古通義百折不悔
天竟如老母客殯道生折有姪為子心無餘文山
之北留拍處衣冠蔽此其寔諸此書心事盡呈吐
史家多闕茲可補玉帶生知默爾悲座中不見謝

臯羽祠邊開篋一再讀今到公鄉展遺躅江聲忽
似浙江潮驚起明蟾挂林木

泊同江

危石砥鰲口驚湍勢未降諸灘新漲色一夜過吳
雙翠骨生雲嶂春流下峽江北風容小住俯檻送
飛瀧

客言螺川抱石魚之美詩以期之

吟溪橋外無吟興來問溪南抱石魚十日東風漁
網歇過將寒食打魚初

訪翻經臺

謝公塵外意於此一翻經遊屐從何處荒臺問遠
垆坡頭春草歇林外遠山青內史多遺躅尋幽轡
屢停

過麻姑山不得上示俞洪諸子

青山不落宦遊手坐與遊客相揶揄有客麻源夜
深至扣戶為說山中娛仙都觀裏住十載烟嵐何
必孤筇扶有時手挽兩飛瀑倒瀉松頂流寒珠濯
餘清月上西嶺天風吹令羣山跌五老峯高作屏
障老柏千歲皆清臞址入麻源第三谷清流浩駛
如長渠不逢子期一招手銅陵石磴誰與俱雲門

古寺一迴望勝地幽絕蹊盤紆丹霞飛出不可往
葛仙坐石相睢眦子非仙骨作神笑只許行役如
鳧趨松門大開不能到名天負此東南隅麻姑之
酒春已熟碧蓮池上空尊壺我聞客言悄不愉俗
塵未浣將誰誣叱徒前進不敢望撫掌大笑驚輿
夫

宿昇山寺

看到麻姑峯盡處仙都樓觀未登行獨來古寺尋
殘碣遠揖晴山入化城簡子長卿秋並老鞠通脉
望夜同清雲房小住塵緣寂自去東林問幾程

廣昌道中寄懷張若臨

斷岡高下橘林低近水人家報午雞
山擁斗華嵐杳靄澗流石乳影清淒
吟情苒苒生原上離恨迢迢似竹西
小憩郎君橋外路故人緘素記封題

望翠微峯三魏故居

一線中懸石磴斜翠微山色上飛霞
仙人何必金精住此地真成處士家

叔子清豪還季子山中歲月幾巢書
易堂問訊今無恙猶聽松泉出谷初

仙人甕

凌晨發廖村艤舟瑞林寨灘行自茲始靈祠肅舉
解舟人為余言諸福神所賜篙師老於事未晡先
已至十月風已寒一一恣竒怪漲落石盡出湍急
罅逾隘上窖與下窖未至心已戒一入鈎脚險捫
舌敢出話瞬睫過雙龜仙人甕已屈蛟石睡初醒
驚瀧兮兩界橫流貫其口甕底咤澆湃迅篙不及
下有力豈能勸天色為陰深舟行如倒薤篙師意
前定默默契所識須臾歷險盡峭帆初半挂坡公
過惶恐已灑孤臣淚南行未到此焉知彼途易嗟
余生水國慣此益心誠茲遊乃竒絕相顧目已憊

過小溪驛

霧色連岡定幾朝，寒流屈曲漲痕消。
山鐘過澗初知寺，江月升舟欲上潮。
仙井有蹤人已去，晚楓無色影先凋。
文成舊時不荒壘隱聽新田起暮譙。

望大庾嶺寄陸杜亭方伯

凌晨出西郭，遙見南山翠。五嶺此稱首，望望屢傳轡。
王程弗可違，咫尺不能至。濛濛烟樹裏，巖關橫浦置。
山有橫浦關過此盡陂陀，隱約雲封寺。小磴似螺旋，雙屨時
息歸中通。開一綫梅關，睫遙企相問。幾梅花不逢，一驛使
梅鍋首駐。此問名忘所，自嶺外。

故人在渺焉成兩地昨夜尺書來同茲嶺雲思嗟
嗟宦遊人躑躅空江次

朱石君前輩移節皖城度嶺以余方局試有

詩見懷却寄

憶自武林別離情十載深今朝庾嶺下空復寄孤
吟自有煎茶興因知施佛心

坡公詩施佛
空留丈六身

寒潮應

未上相望此江潯

山色皖公好茲來是舊遊尚聞諸父老相喜說耜
耨草意春原上江聲夜閣秋為吟辨香句愧我不

能酉州

登入境臺

晴臺初散玉峯烟，有客登臨意渺然。
五嶺秋聲來檻外，雙江帆影合尊前。
人依樂地農商集，守在雄疆撫馭先。
塵外塵中俱此境，不須雲裏覓真仙。
玉局仙人記勝遊，誰非倦客摠生愁。
估船入夜聞蠻語，清詠何人上郡樓。
翠合螺亭分岫色，秋涵鈴塔下溪流。
凌晨又逐章江去，欲訪空同不自由。

次泰和州

郭外西風霽色新，水村彌望接荒榛。
連宵座上逢佳客，終歲江頭作估人。
園訊春浮餘野寺，山迎秋

翠入芳辰還從牛乳灘前望一遡征程一愴神

曉過廬陵

灘頭十日盡沿迴南塔西來暝色開山到廬陵始
平遠看山直下釣魚臺

泊沙湖

竹風橘影野塘前玉峽寒流與逆沿水落沙湖洲
淺淺賣魚人去見漁船

題汪稼門同年誦先圖二首

家世潁川舊新傳十四圖流聲鐘鼎在遺蹟性情
俱淮土風方大鶴原意不孤

圖以伯兄崇陽君居末

政餘銘

右座常以傲追趨

十年成契濶相見自江天移席重論舊齋心與誦

先酌泉清似此登嶽詠無前

近亦登嶽詩

物望歸忠孝

長吟述德篇

千風堂集卷五

午風堂集卷六

無錫鄒炳泰曉屏著

訪陳子不遇

近村臨渡口小隱復經年
野色秋窗上平沙遠水
前客來時結伴花發亦爭先
又向菱湖去相尋賣

卜仙

送馮實菴給諫請假歸里

我別家山記上春君今秋盡到湖湄
心馳南浦依清月夢說東華數軟塵
青草送行三館舊黃門歸老六旬人
鄉耆述典成佳話圖畫他年一寫真

卅載京居是素交歸來曾約結庵茅新廬未卜草
三徑佳詠已傳鶴半巢秋水野航朝問渡雪畦叢
韭晚充庖倚門伯子頻占訊計得燈花細細敲

遣興

未聽秋聲已畏秋轉懷秋墅足淹留送歡朝有簷
蜘蛛足食時看竈馬遊種竹養魚成侶伴賭棋吟
絮亦風流何年得遂還山約壁上新詩次第收

查暎山前輩聽雨樓

黃鶴山人老畫史小樓聽雨曾圖此諸賢作記遍
中吳雲林句曲詩無比愁風愁雨屬詩人亦有樓

居興味真烏几獨憑恩舊事秋梧初實記前因一
自宣南坊裏住十年風雨懷人處祇疑六月雨聲
寒落盡簷花時得句况有華原釣雪圖滿天風雪
影糝糊年來清味知誰證我亦江南舊釣徒

題華子潛六十言懷詩卷

吾鄉風雅吳中盛老去雲林絕代餘五字後來誰
繼美水居吟罷溯巖居

記自西清再入時坡公海外紀遊奇弁山門下成
佳傳留證言懷六十詩

送洪生達泉之官嶺南

天台山色好又向廣南行
庾嶺曾遊處晴雲馬首
生榕陰秋未老珠水夜
同清父老歡謠近相期
報政成

題畫

水色巒容隨意足洞天何處得生塵
如聞午夜鐘初起又向蒲團證此身

與舒城李子夜話

亮工文更元中筆三李同年出處俱
却道龍舒山色好路人時訪伯時居

喜雪

小雪真逢雪農占又應期窖花初約約街鼓尚遲
遲客散圍棋後詩成鬥酒時潞河今夜竹窓北一
相思

踏高蹠二十韻同李松雲作

聽飲傳下里程伎記新年雪幌華燈試星街社鼓
前非筇偏彳亍登木任連延與接原為搆無因亦
至前予難中道立息或面牆便異彼藤猱迅啗他
竹馬旋一籌高比足七尺陋隨肩花面材官疑羅
裙姹女娟月明人近遠風落影蹠躡梯似初桃上
坡從九坂聯憶從開角抵頻復數竿緣賦擅都盧

勝名無格葉傳伯繩今北部伎索舊吳船此燕詩
京國遺文闕古編秧歌聲緩緩巴奏響鼓齏齏賽福
穰年集喧春樂事駢真同飛鳥客誰作御風仙躍
劍呈能幻承蜩用志堅衣寒九門騎囊散一宵錢
游食何為者民依愧力田

寄駿兒

太白樓前日欲曛來看江水暮沄沄座中自有匡
廬在添得秋懷好盪雲

王蘭泉少司寇廣陵歸舟過訪同至西溪有

作

熙春門外踏晴莎昨夜新潮上綠波欲上西樓望
山色春來只是水雲多

重展惲南田清溪歸權卷同人題句懷余秋
室學士

覃翁老病魚門死留得清詞在許溪聞說西泠舊
詩老玉簫吹過晚湖西

送趙生荏畦之官德化

與子潞河別迢迢閩海春人初逾劍嶺山已過龍
漣抱布民情樸行田穗色新春波樓上望鷗鷺亦
相親

送人之湘陰

笙竹驛前日已西
楚山迢遞隔雲溪
鷓鴣無數送行客
不向黃陵廟裏啼

食蘿蔔戲簡迂松

土色尚沾鬢已禿
本來性辣不留餘
參耆豐室尋常有
此物終須一少儲

送吳生香竺南歸

遊子十年歸不歸
高堂音信春後稀
忽聞雛鳥慘不啼
秋霜一夜沾人衣
津亭楊柳秋已老
破帆南下西風早
我憶清明上塚時
楸葉紛紛未曾掃

虞美人花

新粧初罷影婆娑盡日低頭奈若何不是樓前風
露冷楚歌聲裏淚痕多

秋晚潞河歸途有作

古寺朝來不少留聽餘清楚祇生愁客行時喜村
居近馬瘦深盤土磴稠白水不波初過雨黃花欲
老亦悲秋最憐此地無賓舊誰與城東小紀遊

養蠶詞

鄉人不習蠶事錢子立羣室養蠶成繭作

養蠶詞

越東歲歲盈羅紈鄉中少婦苦未諳木棉花薄不
耐寒湖綿羨煞衣猶單十錢買種三眠熟綠雲滿
手忘朝沐佇却登山夜不宿絲聲軋軋聲滿屋堂
上孀姑安且燠鄰女家家學得成拜祝蠶娘慶吾
俗

相國繩菴夫子松泉清興圖

弱歲習文翰鉅公時接迹仰晞鴻儒論知有文章
伯三十釋褐時師門一親炙始信黃扉老猶是書
生癖門看旋馬窄朽有攤書積隅坐與說經清甌
共良夕弗為無用學何憚流光擲曰儉乃致廉曰

慎乃防教良規夙膺契繹味勝麟腊迄今越卅載
還如侍琴席雅量中書牀閱言子雲宅長年春自
在松泉與俱適摹傳圖畫裏時有風生腋晨起肅
辨香心情系曩昔

袁花貞女行

女未歸郎已死郎昨見夢郎在此曰未成室不能
入廟苦無祀女今往成郎志登堂拜姑畢入祠奉
主次堂前見姑顏作歡閣中拜像心如刺長年操
作女誠苦病已纏身亦何補姑兮又亡欲成窀穸
無尺土泉路相隨不余悔酌女酒曰有後祝貞女

是貞婦

寄吳生

向晚乘潮客去遲堤楊愁絕萬條絲越縑初寄相思甚小院秋黃點筆時

禹之鼎畫

松竹環流近墅前山容經雨更娟娟老翁何事過灘去携得餘糧換稅錢

菩提紗四首楊蓉裳戶部同賦

西竺攜來閱幾春菩提應已記前因小於貝葉還如掌輕似蟬紗不惹塵法界雲幡原是幻天衣已

字本非真嶺南昨夜初織素清坐蒲團仔細論
託根何地問珠宮妙種難叅色相同寶網尚疑香
絡繹化城原徹障雲空諸天燈影長明裏虛閣鈴
聲返照中欲向疎寮留靜偈夜深時復響玲瓏
羅浮蝴蝶見曾飛又憶疎林暝晚暉欲試新蕉徒
拂拭擬拋團扇亦皈依岫雲送影兼羅薄砌月搖
空綴露微我已秋來心是葉鑪香初熟掩荆扉
本棉叢裏日經過到剎依然憩古柯蔭幕幾聽清
梵落疏風還見雨花多文成如意交相結聲觀頻
伽遶自他資我博聞新語在竹窓斜日正投梭

感春

不問尋春與送春，官衙何似住湖濱。
年來賓館空留榻，一徑蓬蒿亦可人。

東齋坐雨同曹子扶谷

暑風入虛牖，當午益云駛。
苦無容膝地，仰卧旋復起。
炎天越五旬，招雲不肯止。
迎梅未見雨，送梅應自此。
薄晚殷晴雷，簷溜傾如注。
藤床夜坐雨，入曉猶未已。
應知潞河外，新添幾篙水。
愧我非坡老，有雨亦志喜。
花枝插滿地，生意聊復爾。
幸有同心人，相與證元理。

梔子花

年來花事未云遲，銷盡繁華見自知。
蒼藓有花休問種，送香都在暑風時。

初過西溪

小築經年至柴門，一半開初嘗澗邊水。
不洗石前苔雁塞，將霞去萍洲送雨來。
西鄰人未返谿上幾徘徊。

六月五日潞河城南登高

小池荷色午生香，迢遞城南陟遠岡。
蔭樾正宜當小暑，登高何必是重陽。
檣連吳楚層層出，邨罨林

塘隱隱長一似身閒來到此自朝閒裏意還忙

倪雲士蓼塘秋影

水上輕舟暮雨寒馬蘭花發暑初殘
渭塘秋色紅如許莫更吟詩過遠灘

苦雨

苦潦年來從未有兩旬兀坐為誰留
花枝歎老常因雨天意思晴欲作秋
憫稼尚縉占候筴看雲空上曝衣樓
鵲呼雀噪原知信小待斜陽祇益愁

遣悶

幾日西園未許開披衣何意更登臺
水思赴壑溪

還漲山不收雲雨又來苦竹有聲餘折籜破窻承
溜亦生苔棟藤小作黃庭字客至無緣數舉杯

同曹生扶谷徐生春帆西池秋稷

秋來勝事子然無稷事重修問老夫柳折不須過
灞上水嬉猶自說東都經年塵障吾應被隔岸流
清鷺與娛更向水湄頻酌酒他時此會幾人俱

秋興

閉門小飲醉醪酥贏得秋來一事無隔院鈴聲時
欲語有人高唱鳳將雛

山中送人尋李鍊師

松風在林表野鶴時一鳴披衣夜深起客子方欲
行前山路杳杳山花露已盈往訪伯陽子元鹿前
相迎兩手拍石戶泠泠不聞聲心虛道與適人寐
山為清何必欣所遇欲語已忘情

水運行

北風着面鬢漸重打水冰合船不動迎堤飛箭催
進船直下冰凌勢何洶河倉堆粟非常經秋時阻
水冬阻冰快丁安枕倏歸次人夫轉運敢云累日
落時聞鞭扑聲弱女相看淚冰墜問訊野老今何
期來朝小至知不知

送人之宜春

昨夜津亭柳東風又送春君今乘傳去猶是看花
人竹塢尋僧院魚梁罨水湄未容仍小住一訪址
山鄰

鸞女行

雞聲喔喔朝出門啼飢男婦填街行去年被水今
不歸三男已死一女輕十三紡線學已成朝飢無
糧哭失聲城南老媒猛如虎鸞錢瓜分十逾五他
人生女媒得利猶作歡言指生路父母低頭默不
語携得餘錢兩緡許歸鄉無路泣路隅飢腸未飽

女已無

枯楊歎

城南柳風吹不起十家墳前九家死老楊枝盡無
春聲新楊皮盡嗟已矣抉皮一片不能飽縣官傳
呼煮粥好來時粥盡脚已腫坡前倒卧飢腸小郎
君白馬逢清明烟林深黑無餘情君莫更問榆錢
粥高榆先已吞聲哭

送人還山

踏遍秦山脚力輕忽將秋色賦歸程綸竿箬笠尋
前事山鳥松風送此行破篋有書還課子荒畦得

雨更催耕記遊尚有新圖在好煮春茶細細評

惜花曲

春風惜花花欲語十畝新塘繞芳樹少年終日閉
門愁花開花落不出遊誰識今時已白頭長安車
馬如星流飛花不上城南樓勸君莫作惜花曲燕
子銜來入新屋

即事

小閣春晴透淺紗風前簾幙不須遮來朝穀雨初
交後次第呼童出窰花

寄友人

牛馬堂集 卷六
河橋離恨不勝情瘦馬衝泥又曉行昨夜洛南逢
客至知君已過蔡州城

種花有感

虛庭少生意先期布秋英朝逢擔花人小束蒲筐
盈云是秋花種新雨纔發萌秋興忽已足計日看
敷榮老婢掩口笑竊語依前楹我疑令來前野草
根分明我不習圃事到眼還如盲琪荆既錯列穀
稗方齊耕小物受人弄猶詗鑒別精觀人與觀物
諒哉同一情當其未呈露委信不可輕且試膽餅
花簇簇爭新晴

插柳

入春少春雨插柳已微黃一夜新流足連塘細帶
長瘦餘思楚澤妝薄倩吳娘花事還多興憐余鬢
亦蒼

東坡儋州築室圖

白雲終日住山阿涉世聲名孰與多載酒每逢來
問字負瓢時復見行歌魚游別渚還成隊鳥帶新
雛亦構窩更說柔奴真解事不須為譜定風波

宿李子新齋

出郊雨歇宿烟舍小築初成舊墅南竹裏每逢排

紫笋軒前時復剩黃柑
虛亭招鶴知新客危磴尋
僧過別庵聞說山樵古碑在
褰衣直上我猶堪

赴宗南歸友人作望江南詞送之予衍其意
成絕句十二首

問君何事望江南
雪裏青山訪舊庵
不二門前梅已放
聽松纔罷試同探

問君何事望江南
野菜花開映碧潭
行過鄂城看欲遍
熙春門外正黃酣

問君何事望江南
上市河魴味素耽
欲放春湖思小飲
畏他風絮又毵毵

問君何事望江南浴佛壇前供佛龕三茅峰纔拜
香罷又來華嚴五三參

問君何事望江南捨鴨龍船水性諳盡日笙歌猶
未了火龍初夜倒晴嵐

問君何事望江南趁曉觀荷露氣函日色未酣人
欲散放生池上禮瞿曇

問君何事望江南五里湖菱泚齒甘歸過吳妃墩
外住伽藍初會水西庵

問君何事望江南閣外天香正馥馥試釀山泉水
軒坐桂花栗子露猶覃

問君何事望江南九日登高野興湛新樣趙家涇
菊種海紅蓮放影鬢鬢

問君何事望江南湖上芙蓉剩兩三檜脊山壇却
回權畫眉聲裏聽初酣

問君何事望江南散步田家入夜談前夜牽礮租
償了歸寧村女說宜男

問君何事望江南雪後晴光我更貪插罷蠟梅天
竹供米朝除夕送春相

寄石塘上人

石磴連岡一徑開春茶煮罷坐新苔沙明遠浦雁

聲過月上中峯梵響來送客船從莊北艤訪秋人
向竹西回石塘橋外潮生處猶記重陽載菊陪

秦子達泉畫坡公遺事

寶相千言曾作記供來怪石更餘情雪堂留得坡
仙蹟郡守今無馬正卿

架橋飛閣映山青白鶴峯前一暫停此是朝雲成
偈處豐湖還上六如亭

送人之平陸

秋風尚秋雨幾日駐征輪野店不逢月山程少見
人朝雞下蒲坂夕頓過茅津前路多知舊應來舊

館賓

友人自中條還過訪

客行未云久望見中條山欲訪故人隱言從此里
還桃花不盈洞清月已臨關攜得葡萄酒銜杯好
駐顏

陸丞相祠

大星前落陣雲空極目崖山一望中片石未能迴
覆社滄潮無盡泣孤忠全家蹈海難為計失策沿
江恨未窮還聽平章山下浪怒聲同上碧天風

集城西寓齋示胡蘭江曹扶谷張馥雲諸葛

省齋諸葛漣衣趙三雅邵毓峯諸子

郭門征騎送斜暉
莫羨行春五馬肥
減宴未聞來谷永
謝私誰復見翁歸
川原清美原資詠
戶口凋疲孰與饑
小坐梧軒贈言在
離情何事更牽衣

過李子村居

幽居在溪北
幾折上陂陀
坐對竹坪雨
遠聽漁舍歌
野花餘苜蓿
鮮果進頻婆
幽趣隨時得
添予鄉思多

送人之萬泉

北陸行役舊來此
亦間關到處逢
黃鼠無緣見白

鷗高風野狐嶺清月太松山前路多知己無忘計
日還

夏至逢燕

社日久過花老盡怪來不共百花春湖鷗已佇新
歸客海燕猶窺舊主人雨到迎梅簾未捲風難穿
柳壘空巡知他憐我餘春思故歇雕梁小語頻

遣悶

高齋供得雲林畫引我荻蒲興味長正是使君歸
思切更添老僕說家鄉

歸莊九詠

篠榭

林迴榭亦曲綠篠餘幾箇竹小不留雲相對此君
坐

楓香閣

楓香是古香夕影落清渚還疑過客來不是停車
處

送鴻樓

殘蘆不滿汀歸雁一何遽年年送春鴻今送秋鴻
去

松風島

濤聲入空際夜來幽思深何人志流水松風無操
琴

山磬境

山磬小白花掩映溪南灣不聞七里香雪霽猶生
寒

杏花塢

種杏閱幾春林深少行跡行盡杏花溪不見仙人
宅

梅溪

梅花繞茅屋溪上一枝橫隔水見疎影不聞孤鶴

鳴

紅蓼灘

凌晨過灘去越女年十五初試淺紅衣不怕西來雨

漁港

花落不聞響魚萍一半開相看聚闌檻知有主人來

送顧子之莆田

關中作客挽征衣山過陳岳暑氣微到日正逢梅雨後迎仙橋下子魚肥

得雨

久晴人盡苦炎熱草意不蘇花意遲新雨已添清
漲遠木蘭舟上坐移時

李衛公水滸圖歌

我家惠山識泉脉卅年京宦違鄉園每思松泉春
雨足病中猶聽聲潺湲衛公當日愛泉味年年水
滸羅清軒平泉莊前石髓怪懷嵩樓北山龍蟠偶
從一勺辨真偽精思坐對蠲鬲煩朝廷裁決晏如
爾時與小骨疏清源人言供養足煩費體大原不
關謀身丹宸六箴見治本出征三弊除亂根會昌

若竟政府用能令國勢如山尊藩鎮之禍永歇絕
豈獨三鎮褫其魂李才牛德是何見潁濱此語殊
非倫激揚清濁本無黨監人監水應同論崖州司
戶一朝去閹邪肆煽鴟還蹲祝雞翁老竟不返誰
遺勺水洗荒原仙梯試劍石仍峙海峯望闕亭空
存三山庵泉味通惠坡公異日疏流痕知公當時
得嘗未瓊崖風日殊朝昏我今山中薦清茗許作
泉南後主賓

文五峯人日草堂圖

庚戌秋王子仲英携示文五峯人日草堂

圖乃楊升庵在江陽時以畫像寄白下朱射陂嘉靖己未人日射陂招同金大輿何良俊文伯仁黃姬水郭第盛時泰顧應祥諸人集寓齋懸升菴像作禮就坐五峯作圖諸人拈人日題詩寄草堂二句作八闕各賦一詩寄永昌圖至而先生已歿展圖因成長句

新都先生在金齒花貌遊行日都市一時文藻盛滇南人號楊門六學士瓣香大地屬吳賢馳仰何分人萬里江陽畫像來白下射陂供養如祝史草

堂人日集諸英作禮齋南薦蘋芷中泠陽羨注宣
甌此日真如親杖履五峯起作草堂圖諸子詩成
情未已遙憐故人思故鄉六年已未封緘紀病中
訣語已先成郵到先生嗟已矣坡公海外尚生還
先生七十哀牢死魑魅挪揄歷歲年義皇上人空
復爾逸錄還從甸驛尋歸魂曾抵龍山否却笑胡
陳作正楊披圖今得親風旨正逢人日雪花飛我
亦懷人自茲始

葉生寧夏書至

紀程過峽口河外一身孤古塔秋凌漢平沙夜載

塗土人輸瑪瑙行客上屠蘇小住雄州驛村醪不
可沽

憶許溪

昔年同鮑子每作許溪遊一自歌長別空令感舊
游秋塘人踏藕春嶂客媒鳩他日重尋勝誰呼此
野舟

送人還秦中

知爾歸心切歸期信已真時歌柘枝曲小酌漢陂
春賓館人將去山田稅不貧為予訪淪碣金石補
西秦

寄李賓王

迂松閣上論詩久自到荆湖別恨深知我年來思
舊墅誦君溪上寄新吟南樓秋陣看風雁小閣春
絃聽頌琴兼識課兒忘夜永不嫌白髮已侵尋

讀黃秀才景仁遺藁

自傷行篋賦飢驅五載秦關一病徂莫怨詩人恒
少達也聞昌後有劉盧

董香光倣米家山水

遠浦濕雲飛不盡巖谷山色半含烟猶餘北苑瀟
湘意收入吳淞別墅前

沈朗倩舟頭梨雪

倩翁即景皆生趣
幾樹梨花隔塢迎
行過穀城山色好
小樓飛雪過清明

張孝廉興鏞話泖湖諸勝因憶戊午訪舊松

陵雨中泛湖之作

松陵有客來齋閣
五載重逢悵離索
聽君新語見積愫
詞波猶似泉趨壑
君家住在五葦城
城西泖泚秋湖明
九峯三泖足吟興
小艇時亦尋鷗盟
我憶前年宿湖次
遠人日暮雲空遲
薄酒孤斟顏未醅
秋蟾欲上山凝翠
列浦曾收見水樓
西洲鐘起

知烟寺柁頭偃卧月未午忽復秋風挾秋雨舟人
欲泊不知處夜半驚聞入黃浦迴船風急客子愁
笑指歸程有漁父小作坡公海外遊還同笠澤烟
中語篋中重展孟陽圖水光一片山模糊今來景
物頗亦異秋潮未許甘醞醑前行迤邐沿白葦須
史路轉風亦止飛篷知是澱湖來携得鱸魚餘幾
尾嗟我年來踏軟塵我談舊事子懷人何時更作
吳淞約白舫焚香訪隱淪

九日

昨宵曾怪驚雷過却送秋光到紵袍何事怕看南

去雁小樓雖好不登高

章桐門招同周東屏前輩李滄雲闕墨園錢
黼堂莫韻亭李松雲諸同年寓齋小集時

松雲新至

憐余潞水長年駐學得枯禪不住身池館明燈重
話舊竹齋初雪好延賓黃花已老猶餘態南雁相
逢佇有因莫笑座中頭半白幾人鄰巷往來頻

讀良嶽記

鮑溶昔作隋官行高低禾黍徒傷情華清連昌亦
云侈未至花石窮垓瀛政和失政頽王綱奸京竊

國招大璫延福五位爭雕墻東西七殿三十閣明
春廣宴尤焜煌官家侈心猶未已艮嶽亭臺未殫
記一峯中高九十尺圓嶠仙洲毋乃是靖康一變
後未終愁雲夜落狼烟起屋拆為薪石為礮大鹿
千頭供衛士土木之殃古所箴當其盛時誰喻此
南渡君臣試苟安猶侈湖山作屏几擇端枉作上
河圖空望思陵懷故土當年校書東觀中此記屏
之入蠹叢大梁行過重回首日暮蕭蕭落木風

李松雲同年虎山看月圖

曾憩家山話別情芙蓉湖上暮潮生
路人猶指毘

陵守小甕春泉戴月行

又到吳閶住幾春
楓橋楊柳寄閒身
此來看盡虎山月
知是山陰訪戴人

不是坡髯是李仙
丰神仍復似年年
興來一到真娘墓
猶有疎花在寺前

朱孝女詩

女子能知書詎計
才有無彼誠通大
義每勝鬚髯
夫人從漢陽來為
說孝女朱父沒母
病劇晨夕相依扶
東家過媒妁堅絕
矢不渝豈曰鮮兄
弟有女母則愉事
生原似死事死還
如初終身謝鉛華
拜

像長哀吁椿寒雪已霏萱垂日已徂猶如色笑親
頭白女與俱

韓城相國

予告歸里賦詩留別奉次元韻

台端碩德景依深守正由來式藝林昨說

禁廷新授杖幾看老輩得抽簪河聲岳色人同望

驛柳山花鳥送音

恩遇

兩朝終始備太平風物紀歸吟

豈甘魚鳥共忘機卅載忱誠戀景暉久識

中朝黃髮重憶從三館吉雲依相迎風度瞻霄鶴
惜別情懷緩隰駢重待趨

廷與

嘉會慶星占已見垣微

鷲鷹行

鄰家老樹聞鵲鳴一冬辛苦營巢成忽來飛鴉三
兩爭新巢坐奪鵲盡驚鵲巢鳩居古所詠老翁亦
為心不平須臾一鷹趁風疾瞥下寒雲翅先側毛
摧腦裂鴉半死空巢還向斜陽直昨朝鴉鴉惡聲
起婢子前頭叱不止今見兒童拍手笑與鵲稱冤

更稱喜小物亦遇強中強得失轉瞬同一傷蹊田
奪牛果何事安得盡與懲無良蒼鷹意得去何所
晴鵲歸來隔林語

即事

花朝逢閏又花朝花事今年興正饒昨夜東風吹
雨足更乘青舫候新潮

懷蓉裳戶部

昔年曾與晴沙老靜夜論文興不勝自別家山成
寂處幾尋詩社許先登一庭苦竹餘稽嶺小閣唐
花說馬塍隔巷車聲惟子共每看新句向前增

小牕坐雨有懷

苦憶鄉園不計時，別來添得幾新枝。
玉蘭一夜都開了，花片家家送餅兒。

柳橋送客

欲挽離愁住，愁生萬柳條。
更堪風絮落，吹過赤欄橋。
落日前山驛，初雞午夜潮。
行尋漫郎宅，應問土人謠。

客來自温州為寫甌石數種

近得華巖石，頗佳右軍帖。
語已曾誇為余寫，入東軒供小作清遊到永嘉。

春晚有述

相逢春已暮春在客愁中望歲情徒切餘年鬢已
童壁蟲聽液雨園棟待番風我已慙多病知應任
轉蓬

出門無舊侶守寂亦多情短偈題摩詰新詞唱小
瓊乳柑來象浦曲竹訪臨平更有餘清在巖雲逐
意生

魯黃門南畹西齋留飲

積雨半旬久新晴見晚霞清醪餘甚子小墨試桐
華客至徑初掃談深月已斜南川說遺舊相望意

原賒

送王澹生之上元

長年作客興仍豪，昨夜秋風入芡袍。
陌上未應歌緩緩，亭邊還自怨勞勞。
三春綿竹餘筒酒，九日新林試鞠餽。
我亦清溪思舊侶，近聞遺舍已生蒿。

南昌相國彭雲楣師輓詩

歐陽不世出，大川與喬嶽。
平生命千古，豈以文章卓。
吾師士林望，宏儒陋俗學。
讀盡未見書，一一丹鉛權。
文如大海瀾，一氣蕩靈瀆。
承明際殊遇，協奏鈞天樂。
誠哉大手筆。

冊府絢雲幄詎知植真行強毅在幽獨六卿階殆
遍三館資逾渥遇事外不激持之力愈確和而能
不流終以完吾璞年來軍事馳退食苦考索地形
陝楚蜀聚米分各各前席

天語褒時許備籌度乃知文學臣自有韓范畧足
脛溝末疾初春勢已惡綿延迄秋杪真氣日消削
解職幾匝月官書手自握一言一事剖一日一詩
作神明易筭清非關叅妙覺

兩朝

恩遇至前史未數數門墻卅五載悉數還如昨相

知非言罄心跡兩寂寞有疑誰與質有文誰與藥
環瞻插架書溼淚灑重幕長望西江水湛湛清可
濯

午風堂集卷六

午風堂叢談者今農部侍郎鄒曉屏先生之所輯也先生行爲士則學本儒宗著述思專風雲才大早預若渠之選徧窺延閣之藏吉茂力學取一物之不知董遇耽書得三餘而自足旣而翱翔九列揖讓三雍癖嗜緗緹不殊寒素休沐而未嘗釋卷退食而便已下帷蒲牒堆牀墨書盈掌精力所聚咫聞遂多積有歲年編成卷帙芳燦受而讀之曰夜光鼉采非寸璧小璣之可希也承雲六英非叩缶拊瓠之能和也營廷之魚不知渤澥翳蒼之鳥詎識鄧林雜學難語於方聞鄙儒終慙於都士而

先生應宣室受釐之召讀東觀未見之書上丁釋奠陪盛典於環林元日談經奪諸儒之重席泊乎持節登岱觀風遵海訪日觀云亭之蹟尋金繩石碣之封摩挲禮器曾升聖人之堂瞻拜緇帷並識驕孫之祔以至庸成所守唐述之儲莫不寫定裝池標題置簾帷見聞之廣博斯記載之宏通如千腋之裘被之而晏溫如百末之醞酌之而馨逸宜乎自成一子無煩畫羽繡鞞高挹羣言不愧履絢冠述矣慨夫曲學披猖鯁生詭激競為劇論好著贅書效乾牒之鬱憂續猗玗之隱僻甚或承公孫

龍之餘竅拾鬼董狐之刺言悟擊前人詆訶莊士
祇是供淺人之喁喁初未窺大雅之藩籬先生則
立說必持其平數典能舉其大樹義悉探其蹟修
辭務立其誠朱紫不淆蕭蘭自別裴遐齒頰時聞
琴瑟元音太初襟抱自有尊彝法物洵足爲百家
之館轄六藝之喉衿也已至若辨金石之異同析
題躐之新故草木之狀偶效嵇含蟲魚之疏間徵
郭璞職方之識鼯鼠大中之對騶牙斯又博物之
別才通人之餘事也芳燦業未勤於目耕學終慙
於耳剝穎嚴淺近靈運空踈求靡蒞於中達尋蒸

東於東海徒勞刻楮終等鏤塵受安國之陽秋茫
乎莫贊泛思光之玉海浩若無津浴素陶元公真
握萬流之鏡索塗墮埴我悔癆十年之書

嘉慶庚申十月同邑後學楊芳燦敬序